

ԱՐԳԱՄ ԱՅՎԱԶՅԱՆ

ՅՂՆԱՅԻ ԺԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԸ*

Հյուսիսային ավանդատան առաջին հարկի լուսամուտից վերև, քառանկյունի շրջանակի մեջ տեղադրված քանդակագարդ խաչքարի ներքևի մասում՝ երեք տող.

- 1 Ս(ՈՒՐ)Բ Խ(Ա)ՉՍ ՅԻԾ(Ա)Տ(Ա)Կ Է
- 2 ԽԾԽ(Ա)ՆԻ Կ(Ո)ՂԱԿԻՑ
- 3 ԿԻՑ ՆԱՆԱՅԻՆ: ԹՎ ՌԺԼԲ (1683)

Այս արձանագրության մեջ ԽԾԽ(Ա)Ն ԿՈՂԱԿԻՑ քառերում Ա տառը գրված է մեկ գծով:

Աքսիդի խաչաձև լուսամուտի մոտ, նրա հյուսիսային կողմի քանդակագարդ փոքրիկ խաչքարի վրա՝ երեք տող.

- 1 Ս(ՈՒՐ)Բ Խ(Ա)ՉՍ ՅԻԾ(Ա)ՏԱԿ Է
- 2 ԳՐԻԳՈՐԻ Կ(Ո)ՂԱԿԻՑ
- 3 ՍԱՌԱՅԻՆ: ԹՎ ՌԺԼԲ (1683)

Այս արձանագրությունում ՅԻԾ(Ա)ՏԱԿ և ՍԱՌԱՅԻՆ քառերի 2-րդ Ա-երը գրված են մեկ գծով:

Այս արձանագրությունից չորս շարք վերև, մեկ այլ փոքրիկ քանդակագարդ խաչքարի տակ՝ չորս տող (քայքայված).

- 1 ԽԱՉՍ ՅԻԾ(Ա)ՏԱԿ Է
- 2 [ԽԾԽ(Ա)].....
- 3
- 4[ԹՎ] ՌԺԼԲ (1683)

Ա-ն գրված է մեկ գծով:

Աքսիդի լուսամուտի ամփոփակառ հարավային կողմում ագուցված խաչքարի վրա՝ երեք տող.

* Ծարուհաված «Էջմիածին» ամսագրի 1978 թվականի № 9-ից:

- 1 Ս(ՈՒՐ)Բ ԽԱՉՍ Յ(Ի)Ծ(Ա)ՏԱԿ Է
- 2 ԻԾԽ(Ա)ՆԻ Կ(Ո)ՂԱԿԻՑ
- 3 ԳԱՅԻԱՆԻՆ: (ԹՎ) ՌԺԼԲ (1683)

Արձանագրության մեջ Ա-ն գրված է մեկ գծով:

Այս արձանագրությունից երեք շարք վերև տեղադրված խաչքարի վրա՝

- 1 Խ(Ա)ՉՍ Յ(Ի)Ծ(Ա)ՏԱԿ Է Տ(Ե)Ր
- 2 ՄԱՐՏԻՐՈՍ(Ի)Ն: ԵՒ
- 3 ԿՈՂԱԿՑՈՒՆ ՄԱՐ
- 4 ԹԱՅԻՆ: ԹՎ ՌԺԼԲ (1683)

Արձանագրության մեջ Ա-ն գրված է մեկ գծով:

Աքսիդի լուսամուտի հարավային կողմում, եկեղեցու հարավային ավանդատան լուսամուտի մոտ ագուցված խաչքարի վրա՝

- 1 Ս(ՈՒՐ)Բ Խ(Ա)ՉՍ Յ(Ի)Ծ(Ա)Տ(Ա)Կ Է
- 2 ԽՈՒՏԱՊ(Ա)ԾԽԻ Կ(Ո)Ղ
- 3 (Ա)Կ(Ի)Ց ՄԱՐԱԲ(Ի)Ն: ԹՎ ՌԺԼԲ (1683)

Արձանագրության մեջ Ա-ն գրված է մեկ գծով:

Այս արձանագրությունից քիչ ներքև, նրանից մոտ 1,1 մ դեպի հարավ, խաչքարի վրա՝

- 1 Ս(ՈՒՐ)Բ Խ(Ա)ՉՍ ՅԻԾ(Ա)Տ(Ա)Կ Է
- 2 [ԽԾԽ(Ա)Ն]ՍՈՒ ԿՈ
- 3 [ՂԱԿԻՑ Ն]ԱՆ(Ա)ՅԻՆ:

Այս անթվակիր արձանագրությունն ամենայն հավանականությամբ Նանայն երկրորդ խաչքարը լինելու հանգամանքով տարեթիվը չի նշված:

Եկեղեցու արևմտյան ճակատում՝ լուսա-

մուտքի բարձրության ուղղությամբ, մուտքի հյուսիսային և հարավային կողմերում տեղադրված են չորս արձանագիր խաչքարեր (լուրաքանչյուր կողմում երկու հատ), որոնցից երկուսի արձանագրությունները մաշված են: Հյուսիսային կողմում ագուցված վերևի խաչքարի վրա՝

- 1 ԽԱՉԱ Յ(Ի)Շ(Ա)ՏԱԿ Է
- 2 Ղ(Ա)Ջ(Ա)ՐԻ ԴՈՒՍՏՐ
- 3 ՇՈՒՇԱՆԻՆ: ԹՎ ՌԺԼԲ (1683)

Մուտքի հարավային կողմում ագուցված վերևի խաչքարի վրա՝

- 1 Խ(Ա)ՉԱ ՅԻՇՍԱՏ(Ա)Կ Է
- 2 ԱՆԱՅԻԱԹՐԻ
- 3 ՆԻՆ: ԹՎ ՌԺԼԲ (1683)

Ինչպես վերևի, այնպես էլ այս արձանագրության մեջ Ա-ն քանդակված է մեկ գծով: 1683 թ. վերաբերվող երկու արձանագիր խաչքարեր էլ տեղադրված են հյուսիսային ճակատի միջին լուսամտի աջ և ձախ կողմերում: Այդ խաչքարերից արևմտյան կողմի վրա քանդակված է՝

- 1 Խ(Ա)ՉԱ Յ(Ի)Շ(Ա)ՏԱԿ Է
- 2 ԿՈՍՏԱՆԴԻՆԻՆ

Ս. Աստվածածնի հարավային ճակատում, զանգակատան առաջին հարկի ծածկի ուղղությամբ, տեղադրված են 4 խաչքար, որոնց արձանագրությունների մի մասը քայքայված է: Զանգակատանից 3—3,5 մ դեպի արևմուտք, որմնում ագուցված մի մարմարե զեղաքանդակ խաչքարի քանդակագործ շրջանակի տակ՝ երեք տող, մանր տառերով.


- 1 ՅԻՇ(Ա)Տ(Ա)Կ Է Ս(ՈՒՐ)Բ Խ(Ա)ՉԱ
ԱՆԹՐԵԻԻ ՈՐԴԻ:
- 2 ՄՈՒՐԱՏԻՆ: ԵԻ ԿՈՂ(Ա)Յ(Ի)Ն:
ՍՕԼԹԱՆԱ
- 3 [Ջ]ԻՆ. ԹՎԻՆ: ՌԵԲ (1653)

Ցղնայի ս. Աստվածածին եկեղեցին ժամանակին առնված է եղել պարսպի մեջ, ուր դեռևս 19-րդ դարի վերջերին կանգուն էին «մի և երկյարկանի շինություններ, ուր երբեմն գետեղուած էր ծխական դպրոցը»²²: Առժամ այդ շինությունների ավերակ հետքերն են տեսանելի միայն: Ս. Աստվածածնի պարսպից ներս, եկեղեցու արևմտյան, հյուսիսարևմտյան և արևելյան կողմերում, տարածված է վանքի գերեզմանատունը, որն ալժըմյան փլուզված ունի 16—20-րդ դարերի ավելի քան 200 տապանաքարեր: Արևմտյան

մուտքի առջև գտնվող տապանաքարերից մեկի վրա՝

- 1 ՏԱՊԱՆՍ ԱՅՍ Է ԻՈՀԱՆԻՍԻ ՈՐԴԻ
ԴԱԽԻԹԻ
- 2 ԻՆ [ԹՎ] ՌԺՀԳ (1724)

Ցղնայի կենտրոնական թաղամասերից մեկում, գետակի ձախ կողմում, «Կարմունջ» հրապարակի մոտ, բարձրադիր վայրում, գտնվում է Ցղնայի ս. Սարգիս անվանվող



Նկար 8

եկեղեցին, որը 1960 թ. հետո վերակառուցվել և այժմ վեր է ածվել գյուղի ակումբի: Ս. Սարգիս եկեղեցու այժմյան որմերում ագուցված արձանագիր խաչքարերն ապացուցում են, որ այս եկեղեցու նախկին շինությունը հիմնված է եղել 13—14-րդ դարերում, որը, հավանաբար, ձեռագրական աղբյուրներում հիշատակվող ս. Նշան կամ ս. Գևորգ եկեղեցին է:

Ս. Սարգիս եկեղեցին կառուցված է տեղական որձաքարից, սրբատաշ բազալտից և կարմիր քարերից: Կազմված է արսիդից, զույգ ավանդատներից և դահլիճից, որի փայտե կազմությամբ ծածկը մտած է եղել

²² Ե, Լալայան, հշվ. աշխ., էջ 83:

դահլիճի փայտյա սյուների վրա: Եկեղեցին ունի երկու մուտքեր՝ արևմտյան և հյուսիսային ճակատներում, որոնցից արևմտյանն ունի քառանկյունի բացվածք:

Պատմական աղբյուրներում այս եկեղեցու հիմնման և նորոգումների մասին տեղեկություններ չեն պահպանվել: Հայտնի է միայն, որ մի շարք նորոգումների ենթարկված այս եկեղեցին, ըստ նրա հյուսիսային մուտքի քարավորի արձանագրության, 1890 թ. վերանորոգվել է Ցղնայի ժողովրդի աջակցությամբ և Սաղաթել Սաղաթելյանցի



Նկար 9

վերակացությամբ: Սույն արձանագրությունը, ինչպես նաև ս. Սարգիսի որմերում ագուցված այլ արձանագրությունները, թվով տասը, հրատարակել է Ե. Լալայանը, որոնք 15—17-րդ դարերի վիճագրություններ են²³: Ստորև գետեղում ենք ս. Սարգիս եկեղեցու չհրատարակված և թերի ընդօրինակված 4 արձանագրությունները:

Եկեղեցու արևմտյան մուտքի հյուսիսային կողմում տեղադրված խաչքարի ներքևի հարթեցված մասում քանդակված է հիմնական արձանագրություն, որի տողերը վնասված են.

- 1 ԽԱՉՍ ՅԻԾԱՏԱԿ (Է) ԹՎ ՌԿ: (1611)
- 2 ՏԵՐՍԻՄ: ՄԱՐԹ
- 3 ԱՅ: ՍԱԼԹԱՆՄԱԼԻՔ:
- 4 ԳՈԿԻ: Ք.Յ: ԽՈՆ
- 5 ՋՐԴ:

Արձանագրության մեջ Ա.-ն գրված է մեկ գծով:

Եկեղեցու արևմտյան մուտքի հարավային կողմում ագուցված չորս խորաններով խաչքարի (նկ. 8) տակ երեք տող՝

- 1 ԽԱՉՍ ՅԻԾԱՏԱԿ ԱՌԱՔԵ
- 2 ԼԻՆ ԽՈՍ(Ր)ՈՎԻՆ: ԹՎ
- 3 ՌԻՍԵ (1591)

Այս արձանագրությունը Ե. Լալայանը հրատարակել է՝ «Աբ խաչս յիշատակ... ՌԻՍԵ»:

Եկեղեցու հարավային ճակատի երկրորդ լուսամտի քարձրության ուղղությամբ, լուսամտի աջ կողմում տեղադրված քանդակագործ խաչքարի (նկ. 9) տակ՝ 5 տող.

- 1 Խ(Ա)ՉՍ ՅԻԾԱՏԱԿ:
- 2 [Է] ՄԱՄՊՈՐԻՔԱ: ՅՈՅԱՆԱ: ՅՈՂ
- 3 (Ա)ՆԷՍԱ: ԽԻԴԻՐԾԱՀԱ: ՈՐԴԻՆ
- ԱՆԱ
- 4 ԽԻԴԻՐԱ: Բ: ԽԱԹՈՆԱ: ՂԱԴԽՄԱ:
- 5 ՈՍԾՈՅ Լ ՈՍԿԻ: ԹՎ ՋԻՋ: (1477)²⁴

Այս արձանագրության մեջ Ա.-ն գրված է մեկ գծով, բացառությամբ ՅԻԾԱՏԱԿ բառի 1-ին Ա.-ից:

Այս լուսամտի ձախ կողմում տեղադրված խաչքարի խաչի տակ հարթեցված մասում՝ երեք տող (նկ. 10).

- 1 Ս(ՈՒՐ)Բ Խ(Ա)ՉՍ Յ(Ի)Ծ(Ա)ՏԱ(Կ)
ՄԻՄԻՄԱԻՐԱ: ԲՈՒ
- 2 ՐԹԷԼԱ: ԱՆԱԽԱԹՈՒՆԱ: ԱԶՆԱԻ
- 3 ՈՐԱ: ԲԱՀԱԴՐԱ: ՀԱՅՐԱՊԵՏԱ:

Այս խաչքարի խաչի վերևի մասի աջ և ձախ կողմերում քանդակված տարեթիվը քանդակված է արձանագրության տառերից տարբերվող տառերով՝
ԹՎ ՊԶԹ. (1440)

Այս արձանագրության մեջ հիշատակվող անձնանունները Սյունյաց Բուրթեյան տոհմին են վերաբերվում և հետաքրքրական են:

Ս. Սարգիս եկեղեցու մոտ 19-րդ դարի վերջերին ս. Աստվածածին եկեղեցու երեցփոխանի և մի քանի անձների կողմից Ցղնայի վաղեմի եկեղեցիներից մեկի ավերակների վրա «ձեռնարկել են մի այլ եկեղեց»:

²⁴ Այս արձանագրությունը, որոշ տարբերությունով և 4-րդ ու 5-րդ տողերի պակասությամբ, տպագրել է Ե. Լալայանը (նշվ. աշխ., էջ 84):

²³ Ե. Լալայան, նշվ. աշխ., էջ 88—84:

ւոյ շինութեան էլ յայտարարելով հոգ. իշխանութեան, որ իբր թէ մի ուխտատեղի է եղած և ուզում են նորոգել... Արդէն շինութեան ձեռնարկել են ու առանց օժման հիմքը դրել և երկու արձնաշարից աւելի պարտէրն բարձրացրել, սա գտնում է գիտի հարաւային կողմը եղած եկեղեցւոյ համարեա մօտը»²⁵։ Այս եկեղեցին հավանաբար հետագայում չի կառուցվել, որովհետև այժմ նրա ավերակներն են տեսանելի։

Ս. Սարգիս եկեղեցուց մոտ 350 մ դեպի հյուսիս-արևելք, Տամբրի թաղամասում, լեռնայանցի փեշին գտնվում է Տղնայի վանքի գերեզմանատունը։ Այժմ գերեզմանատան տարածքի մեծ մասում կառուցել են մի քանի շինություններ, որի պատճառով տապանաքարերի մեծ մասն արդեն անհետ կորել են, օգտագործվել որպես շինանյութ։ 1978 թ. մեր ուսումնասիրությունների ժամանակ 12—17-րդ դարերին վերաբերվող այդ գերեզմանատան դեռևս տեղում գտնվող մոտ երկու տասնյակից ավելի տապանաքարերի թվում արձանագրել ենք միայն մեկ վիմագիր տապանաքար, որի մի մասը եւ ջարդված է՝

1 ԱՅՍ Է ՏԱՊԱՆ ԲԻ...

2 ԿՈՂԱԿԻՑ ՎԱՌՎԱՌԻՆ ԹՎ.

3 ՌԺՄԴ (1695)

Տղնայից մոտ 3—4 կմ ներքև, հարավ-արևմուտք, փոքրիկ ձորակի ձախ կողմում, բարձրադիր վայրում, տեղադրված է եղել Գողթնի վանքի գյուղերից մեկը՝ Մցգուն, Մզկուն գյուղը։ Մցգուն գյուղը կամ Միզկունց Դաշտը Տղնայի ու Աստվածածին եկեղեցու արևմտյան մուտքի արձանագրության մեջ նշված է Մսկն ձևով²⁶։ Այս գյուղի մասին պատմական աղբյուրներում շատ տակավ տեղեկություններ են պահպանվել։ Դեռևս 18-րդ դարի կեսերից հետո լքված այդ գյուղն ավերակների վերածվելով խիստ քայքայվել է, որի հետևանքով այժմ վաղեմի գյուղի ավերակների հետքերն են տեսանելի միայն։

Մցգուն գյուղատեղի մեր տեղագնությունը ցույց է տալիս, որ այն ունեցել է միջին մեծություն, որ կարող էր բնակվել մինչև 160 տուն բնակչություն։ Գյուղատեղի և նրա գերեզմանատան մնացած տապանաքարերը և այլ հնագիտական տվյալները վկայում են, որ Մցգունը միջնադարում ապրել է բուռն կյանքով։ Այդ գյուղատեղում դեռևս կանգուն է 17-րդ դարի և հետագայի պատմական աղբյուրներում հիշատակվող նրա ու

Ստեփանոս վանքի եկեղեցին։ Վերջինս, որն իր օժանդակ շինություններով առնված է եղել պարսպի մեջ, տեղադրված է վանքի գյուղի բարձրադիր թաղամասերից մեկում և իր դիրքով իշխող շինություն է հանդիսացել։

Գողթնցի Թ. Վանանդեցի եպիսկոպոսի հաղորդած տվյալներից իմանում ենք, որ այս վանքը ժամանակին մեծ համբավ է ունեցել, որ հաճախակի մեծ խմբերով այցելում էին ուխտավորներ.

«Ի Գողթ գաւառըն ցանկալի,

Յեկեղեցին Ստեփանոսի,

Որ մականունն Մցգուն կոչի»²⁷։

Ս. Ստեփանոսի համբավի մասին է խոսում նաև Զ. Ագուլեցու հաղորդած տեղե-



Նկար 10

կությունը այն մասին, որ «Մայիսի ԺԹ ումն (1664 թ.—Ա. Ա.) եւ Զաքարիայ այսօր համբարձում Մցգուն արարի, վերայ ուխտ էինք գնացել ջումիաթով»²⁸։ 18-րդ դարում, իր ճամփորդության ժամանակ, այս վանքն է այցելել նաև Ա. Կրետացին. «...յունցի անտի (Ագուլիսից—Ա. Ա.) և եկի ի Տղնայ Միզկունց վանքն...»²⁹։ Մ. Սրմ-

²⁵ Զ. Ա. Ալիշան, Միսական, էջ 343։

²⁶ Զաքարիա Ագուլեցու օրագրությունը, Եր., 1938, էջ 63։

²⁷ «Արքանամ կաթողիկոսի Կրետացու Պատմագրութիւն անցիցն իրոց եւ Նատր-Շահին պարսից», Վաղ-պատ, 1870, էջ 77։

²⁸ Մ. Փափազյան, նշվ. աղբյուր։

²⁹ Ե. Լալայան, նշվ. աշխ., էջ 82։

բառայանն այս վանքին անվանել է Մեծ Գունդ վանք³⁰։

Այսպիսով, պարզվում է, որ Մցգունի վանքը ս. Ստեփանոս անվանումից բացի հաճախակի անվանակոչվել է մականվամբ՝ Մցգուն կամ Մսկուն գյուղի անունով։ Այժմ Մցգունի ս. Ստեփանոս վանքի համալիրից միակ կանգուն հուշարձանը մյուս եկեղեցին է։ Վերջինս արևելք-արևմուտք առանցքով, ուղղանկյուն հատակագծով հուշարձան է, որը բաղկացած է արսիդից, գույգ ավանդատներից և դահլիճից։ Եկեղեցու միակ մուտքը բացված է հյուսիսային ճակատում։ Ծիսության լուսավորվածությունն իրականացված է ուղղանկյունի բացվածքներ ունեցող լուսամուտներով։ Եկեղեցու այժմյան ծածկն իրականացված է փայտածածկ եղանակով։

Մցգունի ս. Ստեփանոս եկեղեցին կառուցված է տեղական գորշագույն քարերով և կրաշաղախով։ Իր տեսքով հասարակ ու անհրապույր կառույց է։ Եկեղեցու հիմնաշարի ուսումնասիրությունն ապացուցում է, որ մյուս նախկին շինությունը կառուցված է եղել բազալտից և տեղական սրբատաշ քարերից։ Ս. Ստեփանոս եկեղեցու հյուսիսա-

յին միակ մուտքի բարավորին քանդակված է մյուս վերանորոգման արձանագրությունը՝ հինգ տողով.

- 1 Ս(ՈՒՐ)Բ ՍՏԷՓԱՆՆՈՍ ՎԱՆՔՍ
ՆՈՐՈԳՈՒԵՑԱԿ
- 2 ՅՂՆԱՅԻ ԺՈՂՈՎՐԴԻԱՆ ՆՈՒԷՐՈՎ
- 3 ՀՈԳԱԲԱՐՁՈՒԹԵԱՄԲ ԳՐԻԳՈՐ
ՄՈՎՍԻՍ
- 4 ԵԱՆՑԻ ԵՒ. ՀԱՅՐԱՊԵՏ ՍՏԵՓԱՆ-
ԵԱՆՑԻ
- 5 Ի 1895 ԱՄԻ

Այս վերանորոգման ժամանակ էլ եկեղեցու ներքին մասը ավաղվել և ինքնուրույն կողմից ծաղկազարդվել է։ Այս կամ նախորդ վերանորոգումների ժամանակ եկեղեցու հյուսիսային ճակատում, մուտքի, լուսամուտների շուրջն ագուցված են նախկին եկեղեցու, մյուս համալիրի և գյուղի գերեզմանատան 13—17-րդ դարերի ինը խաչքարեր, որոնցից յոթն ունեն մաշված և քայքայված արձանագրություններ։

Ամփոփելով պետք է նշենք, որ Յղնայի հուշարձաններն ամբողջացնում են ճարտարապետական կոթողներով հարուստ Գողթն գավառի համալիրների պատմությունը և կարևոր են միջնադարյան հայկական ճարտարապետության առանձնահատկությունների ուսումնասիրման գործում։

³⁰ Մեսրոպ արքեպ. Սմբատյան, Նկարագիր սուրբ Կարապետի վանքի Շրմշակու և շրջակայից մորա, Տփլիս, 1904, էջ 491։

